

Հ Ա Շ Վ Ե Տ Վ ՈՒ Թ Յ ՈՒ Ն
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը.

Արսեն Թորոսյան

2. Զբաղեցրած պաշտոնը.

Առողջապահության նախարարի պաշտոնակատար

3. Գործուղման վայրը և ժամկետները.

2018 թվական, հոկտեմբերի 24-26, Ղազախստանի Հանրապետություն, Աստանա

4. Հրավիրող կողմը.

Ղազախստանի Հանրապետության առողջապահության նախարարություն,
Առողջապահության համաշխարհային կազմակերպություն, ՄԱԿ-ի մանկական
հիմնադրամ

**5. Գործուղման նպատակը (աշխատանքային ո՞ր խնդրի լուծման համար էր
նախատեսված գործուղումը).**

Մասնակցություն Ալմաթիի դաշնագրի 40-ամյակին նվիրված Առաջնային
բուժօգնության երկրորդ միջազգային համաժողովին:

Համաժողովի նպատակն էր հիշատակել Ալմաթիի 1978 թվականի հռչակագիրը,
վերանայել բոլոր անդամ-պետությունների և շահագրգիռ կողմերի քաղաքական
պարտավորությունները՝ զարգացնելու համար առաջնային բուժօգնությունը
Համաշխարհային առողջապահական ծածկույթ ստեղծելու և Կայուն զարգացման
նպատակներին հասնելու շրջանակներում, հիմք նախապատրաստել 2019թ.

Համաշխարհային առողջապահական ծածկույթի վերաբերյալ ՄԱԿ-ի գլխավոր Ասամբլեայում բարձրաստիճան հատուկ հանդիպում կազմակերպելու համար, ազդարարել 2019-2030թթ. Առաջնային բուժօգնության երկրորդ միջազգային համաժողովի արդյունքում ընդունված փաստաթղթերի իրականացման անհրաժեշտության մասին:

6. Քննարկված թեմաները.

Միջոցառմանը հրավիրված էին մասնակցելու առողջապահության, ֆինանսների, կրթության, սոցիալական ապահովության նախարարներ, ՄԱԿ-ի անդամ-պետությունների բարձրաստիճան պաշտոնյաներ, դեսպաններ, միջազգային կառույցների և հասարակական կազմակերպությունների ներկայացուցիչներ:

Համաժողովի ընթացքում քննարկվեցին առողջության առաջնային պահպանման ոլորտին առնչվող այնպիսի հարցեր, որոնց լուծումը համաշխարհային հանրության և պետությունների միասնական աշխատանք է պահանջում:

7. Հանդիպումները, ելույթները, բարձրացված կամ քննարկված հարցերը

Համաժողովի ընթացքում ելույթով հանդես եկավ Առողջապահության նախարարի պաշտոնակատար Արսեն Թորոսյանը: Ներկայացրեց առողջության առաջնային պահպանման ոլորտում վերջին տարիներին կատարված աշխատանքներն ու փոփոխությունները: Պատասխանեց հնչեցված հարցերին:

Միջոցառման ընթացքում երկկողմ հանդիպումներ կայացան Ռուսաստանի Դաշնության, Իրանի Իսլամական Հանրապետության, Ղազախստանի Հանրապետության և Ուզբեկստանի Հանրապետության առողջապահության նախարարների հետ:

Վերջիններիս հետ քննարկվեցին հետագա երկկողմ համագործակցության ուղղությունները, ձեռք բերվեցին կոնկրետ պայմանավորվածություններ համագործակցության շուրջ:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Համաժողովի ընթացքում ընդունվեց առողջության առաջնային պահպանման վերաբերյալ ԱՀԿ գլոբալ համաժողովի հռչակագիր, որը Ալմաթիի հռչակագրից հետո նոր ուղենիշ կհանդիսանա նշված ուղղությամբ աշխարհի բոլոր պետությունների ջանքերը մեկտեղելու ուղղությամբ:

Համաժողովի ընթացքում հանդիպում տեղի ունեցավ Ռուսաստանի Դաշնության առողջապահության նախարար Վերոնիկա Սկվորցովայի հետ: Քննարկվեցին առաջիկայում ՌԴ-ում կայանալիք հայ-ռուսական 4-րդ համաժողովի կազմակերպման հետ կապված հարցեր, ինչպես նաև՝ հետագա համագործակցության ուղղությունները:

Իրանի առողջապահության նախարարի հրավերով դեկտեմբեր ամսին կկայանա Հայաստանի առողջապահության նախարարության աշխատանքային խմբի այցը Իրան, որը նոր խթան կհանդիսանա երկկողմ պայմանավորվածությունները իրականացնելու համար:

Համաժողովի ընթացքում Հայաստանի Հանրապետության և Ղազախստանի Հանրապետության առողջապահության նախարարների միջև ստորագրվեց «Հայաստանի Հանրապետության առողջապահության նախարարության և Ղազախստանի Հանրապետության առողջապահության նախարարության միջև առողջապահության բնագավառում համագործակցության մասին» համաձայնագիր, որը հիմք կհանդիսանա հետագայում խորացնելու համագործակցությունը երկու երկրների միջև առողջապահության ոլորտում: Երկկողմ պայմանավորվածություն ձեռք բերվեց սերտացնելու համագործակցությունը առողջության առաջնային պահանման, էլեկտրոնային առողջապահության, դեղերի շրջանառության կարգավորման և շարունակական բժշկական զարգացման ոլորտներում:

Ուզբեկստանի հետ կողմերը ընդգծեցին առողջապահության բնագավառում համագործակցություն սկսելու անհրաժեշտությունը, որը կարող է խթան հանդիսանալ նաև մյուս ոլորտներում երկկողմ համագործակցության զարգացման համար: Ուզբեկստանի առողջապահության նախարարը սիրով հրավիրեց 2019թ. հունվարի 14-15-ը այցելելու Ուզբեկստան, որի ընթացքում կողմերը կնախաձեռնեն միջգերատեսչական համաձայնագրի ստորագրման գործընթաց:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Համագործակցության առաջարկները բխում են 8-րդ կետում արձարժված աշխատանքներից: Պայմանավորվող կողմերը ջանքեր են ներդնելու ստանձնած պարտավորությունները իրականացնելու ուղղությամբ: Հանդիպումների ընթացքում պայմանավորվածություն ձեռք բերվեց մշտական դարձնել համագործակցող կողմերի և երկրների կապը:

10. Ստորագրությունը, ամսաթիվը:

30.10.2018

X 

VERIFIED OCSP 30.10.2018 14:57:27 GMT+4

Signed by: TOROSYAN ARSEN 3114820360

2018թ. հոկտեմբերի 27